

Prova 2018

[3] In civitate Treverorum duo de principatu inter se contendebant, Indutiomarus et Cingetorix; e quibus alter, simul atque de Caesaris legionumque adventu cognitum est, ad eum venit, se suosque omnes in officio futuros neque ab amicitia populi Romani defecturos confirmavit quaeque in Treveris gererentur ostendit. At Indutiomarus equitatum peditatumque cogere bellumque parare instituit. Sed posteaquam nonnulli principes ex ea civitate, et familiaritate Cingetorigis adducti et adventu nostri exercitus perterriti ad Caesarem venerunt, veritus ne ab omnibus desereretur, Indutiomarus legatos ad Caesarem mittit: sese idcirco ab suis discedere atque ad eum venire noluisse, quo facilius civitatem in officio contineret, ne omnis nobilitatis discessu plebs laberetur. [4] Caesar, etsi intellegebat qua de causa ea dicerentur quaeque eum res ab instituto consilio deterreret, tamen, ne aestatem in Treveris consumere cogeretur, Indutiomarum ad se cum CC obsidibus venire iussit. His adductis – in eis filio propinquisque eius omnibus, quos nominatim evocaverat – consolatus Indutiomarum hortatusque est uti in officio maneret; nihil tamen setius principibus Treverorum ad se convocatis hos singillatim Cingetorigi conciliavit, quod cum merito eius a se fieri intellegebat, tum magni interesse arbitrabatur eius auctoritatem inter suos quam plurimum valere, cuius tam egregiam in se voluntatem perspexisset. Id factum graviter tulit Indutiomarus.

Ed ora rispondi alle seguenti domande:

1. Nel brano proposto Cesare non si fida di Induziomaro per ragioni ben specifiche (riga 16: *qua de causa*): individuale sulla base del testo.
2. *Merito* (riga 25): al merito di chi si sta riferendo Cesare?
3. *Inter suos* (riga 27): è riferito ai Treveri o ai Romani?
4. Perché a tuo giudizio nella frase finale del testo proposto si dice che Induziomaro *factum graviter tulit* (righe 29-30)?
5. Sulla base del testo proposto indica quale ruolo, a tuo giudizio, Cesare assume nella vicenda narrata e quale immagine di sé vuole comunicare ai lettori (*rispondi con un massimo di 5 righe*).